

SIARAN MEDIA

200 pelajar B40 PSA terima sumbangan baucar makanan

SHAH ALAM, 6 OKTOBER 2023 – Seramai 200 pelajar golongan B40 Politeknik Sultan Salahuddin Abdul Aziz Shah (PSA) menerima sumbangan baucar makanan daripada SIRIM QAS International Sdn. Bhd. berjumlah RM30,000.

Baucar yang bernilai RM150 setiap seorang itu boleh digunakan pelajar yang layak bagi membeli makanan di kafeteria dan food court yang terdapat di PSA.

Menurut Timbalan Pengarah Akademik, Ts. Dr. Ahmad Aftas Azman, program tersebut merupakan kerjasama antara PSA bersama SIRIM QAS International Sdn. Bhd. dengan memberikan sumbangan kepada para pelajar yang layak daripada golongan B40 dengan pendapatan kurang daripada RM4850 sebulan.

“Melalui inisiatif ini kita berhadap dalam membantu mengurangkan beban ibu bapa atau penjaga dalam menyediakan wang saku serta membantu para pelajar mendapat nutrisi lengkap dan secukupnya bagi memastikan mereka berkeadaan baik dan sihat untuk menjalani proses pembelajaran dengan sebaiknya,”

“Kepada pelajar sekalian, gunakanlah sumbangan ini sebaiknya dan jadikan ia sebagai motivasi dalam meneruskan pengajian dan meningkatkan semangat diri untuk mencapai kecemerlangan seterusnya menyumbang semula kepada negara.” Beliau berkata demikian pada Majlis Penyerahan Cek Program Berkongsi Kegembiraan melalui Baucar Makanan SIRIM QAS International Sdn. Bhd. kepada PSA yang diadakan di Anjung Bestari, PSA hari ini.

Turut hadir Ketua Seksyen Pemasaran dan Komunikasi SIRIM QAS International Sdn. Bhd. Rosniza Abdul Wab, Ketua Jabatan Hal Ehwal Pelajar PSA Noor Hayati Mat Taib serta barisan Majlis Perwakilan Pelajar PSA.

Sementara itu, Yang Di-Pertua MPP PSA, Muhammad Syamil Ehsan Shahril Amri berkata, sumbangan tersebut sangat bermakna bagi pelajar-pelajar yang memerlukan.

“Bagi pihak pelajar kami mengucapkan terima kasih atas sumbangan yang diberikan memandangkan kos sara hidup kian meningkat,”

“Harga makanan juga semakin mahal jadi amatlah terkesan terutamanya golongan B40.”

Menurut Rosniza, tahun ini SIRIM QAS International Sdn. Bhd. memperuntukkan sebanyak RM90,000 bagi tujuan sumbangan baucar makanan yang memberi manfaat kepada 600 pelajar di tiga buah politeknik.

-TAMAT-

**Unit Komunikasi Korporat
Politeknik Sultan Salahuddin Abdul Aziz Shah
Kementerian Pendidikan Tinggi**

Untuk maklumat lanjut berhubung siaran media ini sila hubungi Unit Komunikasi Korporat di talian 03- 5163 4000 samb. 1104 atau 012-9182497. Terima kasih.